

mon cœur sentoit vne grande presse d'entrer viste-ment dans la maison de Dieu, comme si quelqu'un m'eust incité viuement à faire vne chose à laquelle toute mon affection estoit portée.

[97] Je prenois vn singulier plaisir à toutes les interrogations qu'on me faisoit; Je disois en moy-mesme, en fin Dieu a eu pitié de moy, en fin la porte me sera ouuerte, ie ferois bien-toft de la famille des croyãs, & de la nation des enfans de Dieu: Quand on m'imprimoit le signe de la croix au front, il me sembloit que le diable s'enfuyoit, & qu'il n'auroit plus dorenavant de pouuoir sur moy. Comme on me fit entrer en l'Eglise, ie m'estonnois comme ie ne descendois point pluſtoſt dans les enfers, tous mes pechez se representans à ma memoire, mais ie prenois vn si grand plaisir qu'ils s'en alloient tous s'effacer en vn moment, que ie ne ſçauois l'expliquer, ie m'estonnois comme Dieu m'auoit tant attendu pour me faire tant de biens tout en vn coup. Tout aussi-toſt qu'on eut versé les eaux Sacrées sur ma teste, mon cœur se sentit tout changé. En effect il est tout autre qu'il n'estoit, car depuis ce temps-là il me semble qu'il n'attend pas que le peché vienne iusques à luy dans les occasions de mal faire: mais vous diriez qu'il fort hors de moy pour aller au deuant des choses mauuaises, pour les repouſſer & les esloigner avec vne telle [98] force, qu'il m'est aduis que ce n'est pas moy qui resiste. Il me semble aussi que ie suis deuenu comme sourd & aueugle, car ie ne prend point garde à ce qui se passe deuant moy. Hier il se fit vn grand bruit dans nostre cabane, les enfans faisoient vn tel tintamarre que tous mes gens s'en fascherent, & se mirent à crier & faire plus de bruit que les enfans mesmes, ie ne prenois